

Dikon un maneho pa alkohòl i droga na skol ta importante:

- Un maneho ta enserá prevenshon i guia di e alumno. Hopi biaha e skol tabata sanshoná òf straf e alumno solamente sin ofresé e guia nesesario.
- Ta evitá reakshon di pániko den un situashon di krísis. Tin akuerdonan klaramente stipulá kaba pa kada pérsona.
- Aserkamentu integral: diferente paketenan di lès riba prevenshon konsumo di droga ta wòrdú integrá den e kuríkulo.
- Alumnonan por sigui nan stazje i kaba nan skol.
- E ambiente na skol ta positivo i tur hende ta sinti mas seif; tin ménos agresividat.
- Mayornan ta sinti nan mes mas sigur pa pone nan yu(nan) na un skol ku a implementá un maneho pa ku konsumo di droga/alkohòl bou di alumnonan.



Pa traha un sita, bo por yama òf pasa na nos edifisio.

Fundashon pa Maneho di Adikshon

Oosterbeekstraat 11, Sherasil /T: 461-5977 òf 670-5544

W: www.fma-curacao.com / E: info@fma-curacao.com

Pa mas informashon tokante droga i adikshon, bo por bishitá nos wèpsait.



Servisio na skolnan

Uso di supstansia tin un influensha direkto riba e funshonamentu sosial, emoshonal, kognitivo i físiko di un alumno na skol.

E uso di supstansia ta trese rísiko pa e salú, e bienestar i siguridat di e alumno. Tambe e tin influensha riba e ambiente di e skol. I tambe e por redusí e probabilidad riba un karera eskolar eksitoso di un alumno.

FMA ta ofresé un pakete di servisio na nan skolnan. E servisionan akí tin kome meta: **Prevenshon di uso di droga na skol**.

Prevenshon di uso di droga na skol ta enserá e desaroyo di un maneho di droga na skol kombiná ku un proyekto pedagógiko di kada skol.

FMA por yuda skolnan di diferente manera:

1. Desaroyo di un maneho

FMA ta guía skolnan den e desaroyo i implementashon di un maneho riba tereno di uso di droga i alkohòl bou di alumnonan.

FMA ta duna informashon i guia na e skol pa implementá e maneho, pero ta e direktiva di skol ta disidí kua regla ta wòrdú implementá pa ku tópikónan: poseshon di droga i alkohòl, uso di droga i alkohòl i bendementu di droga i alkohòl na skol.

E maneho ta antisipá posibel problemanan relashoná ku uso di droga òf benta di droga na skol i tambe kon pa hèndel e situashonnan akí.

Regulashon riba su mes no ta suficiente, p'esei FMA ta guía direktivanan di skolnan riba e ehekushon di maneho.

FMA ta yuda por ehèmpel e repartimentu di funshon rondó di ken i kon tin ku reakshoná na ora di un violashon di un òf otro regla pa ku e maneho stipulá rondó di konsumo di droga òf alkohòl bou di alumnonan.

2. Entrenamentu di dosente

FMA ta duna un charla na tur dosentenan. E charla aki su meta ta pa siña e dosentenan kon pa señalá i kon pa aktua ora tin un sospecho di uso di droga òf konsumo di alkohòl bou di hóbennan na skol.

3. Entrenamentu di "Drugsteam"

FMA ta duna un entrenamentu na e asina yamá "drugsteam". "Drugsteam" ta un grupo di dosentenan motivá ku ta atendé ku e maneho, "drugsscreening" i/òf guia di e alumnonan.

Na e entrenamentu aki, FMA ta toka temanan manera:

- Kua stapnan un dosente na skol mester tuma ora e ta prekupá ku un alumno probablemente ta usando?
- Kua dosente ta tuma kua funshon i ròl riba su persona den e proseso di señalamantu i siguimentu di e alumno.
- Ken ta e guia i referí e alumno ku problema di konsumo di droga/ alkohòl?

4. Edukashon di alumnonan

FMA ta sòru pa charlanan ku tin como meta pa informá hinter e skol. Esaki ta wòrdú hasí dor di un di hóbennan di train dor di FMA pa duna informashon na otro hóbennan, asina yamá "peer-educators".

5. "Drugsscreening" na skol

Un tim di trahadónan di FMA ta apoyá skolnan na momento ku tin "drugsscreening" na skol.

Si ta nesesario FMA ta apoyá e skol pa tene kòmbersashon ku e mayornan di alumnonan ku a tèst positivo riba e "drugsscreening".

6. Seshonan di prevenshion/ tratamentu

FMA por sòru tambe pa tratamentu i guia pa e hóbennan ku a tèst positivo na skol i ku mester bai stòp ku uso.

FMA ta duna seshonan di prevenshion na e grupo di hóbennan ku a eksperimentá ku droga òf ku ta den e grupo di riesgo haltu pa kai den uso.



